

廣東省地方史志辦公室輯

廣東歷代方志集成

惠州府部〔四〕〔光緒〕惠州府志〔二〕

廣東人民出版社

廣東省地方史志辦公室輯

廣東歷代方志集成

惠州府部〔四〕

嶺南美術出版社

目錄

(一)

卷首

序

舊序

修纂職名

目錄

卷一

輿地一 分野 沿革 疆域 輿圖

卷二

輿地二 形勝 關隘 海防

卷三

輿地三 山川

五五

卷四

輿地四 山川

八五

卷五

輿地五 津梁

九八

卷六

建置一 城池

一一〇

卷七

建置二 廨署

一二六

卷八

建置三 驛遞

一二八

卷九

經政一 學校

一三九

卷十

經政二 書院

一五八

卷十一

廣東歷代方志集成

經政三	祀典	一六三
卷十二		
經政四	壇廟	一七一
卷十三		
經政五	兵制	一七九
卷十四		
經政六	賦役上	一九五
卷十五		
經政七	賦役下	二二三
卷十六		
經政八	度支	二三五
卷十七		
郡事上		二三七
卷十八		
郡事下		二七一

卷十九		
職官表上		二八七
卷二十		
職官表下附武職官表		三一二
卷二十一		
選舉表上		三八八
卷二十二		
選舉表下		四一〇
(二)		
卷二十三		
藝文一 記		四四一
卷二十四		
藝文二 記		四八五
卷二十五		

藝文三	詩	五二六
卷二十六		
藝文四	詩	五五〇
卷二十七		
藝文五	撰述	五六二
卷二十八		
古迹	城址 署宅 冢墓 寺觀	五六八
卷二十九		
人物一	名宦上	五八七
卷三十		
人物二	名宦下	六〇七
卷三十一		
人物三	流寓	六二三
卷三十二		
人物四	政迹	六二九

卷三十三		
人物五	政迹	六五五
卷三十四		
人物六	儒林	六六六
卷三十五		
人物七	文苑	六七八
卷三十六		
人物八	忠義	六八四
卷三十七		
人物九	孝悌	六九三
卷三十八		
人物十	善行	七〇七
卷三十九		
人物十一	隱逸附方技	七二一
卷四十		

廣東歷代方志集成

人物十二	耆壽表	七二六
卷四十一		
人物十三	列女上	七四九
卷四十二		
人物十四	列女中	七八六
卷四十三		
人物十五	列女下	八〇六
卷四十四		
人物十六	仙釋	八二八
卷四十五		
雜志（雜識）	氣候 風俗 軼事 物產	八四〇

序

惠州府志前朝屢經纂輯

國朝康熙丁卯太守呂公應奎復修之百餘年來沿革變更不知凡幾今不纂錄後將無傳道光同治年間太守楊公希銓梅公啟照均捐

惠州府志

序

廉倡修弗果同治庚午劉樹君太守蒞年始集紳士鄧君掄斌廖君廷翰鄒君漸鴻陳君青槐鄧君掄芳陳君新銓分任編纂事未竟旋調任去鈺錫之坤彭南屏翰孫兩太守繼之余光緒丁丑秋來守是

邦下車之始考風問俗聞志告成

心竊喜語不云乎不習爲吏視已成事舊志殘缺不足遵倣得都人士條上隱顯不遺纖悉諸君子以耆儒碩學各出機杼補其罅漏訂其譌謬輯爲新書舉凡禮樂刑政

惠州府志

序

之鉅細兵農財賦之損益民風厚薄之所趨土物燥濕之所宜莫不開卷了然炳若星列至若表揚大節發潛德之幽光博採藝林廣一方之文獻凡舊志所缺畧者至是而燦然大備焉守土者誠得前人

程法而秉式之政之福者弗使窒
於行俗之媿者弗使狃於習將見
澆風盡革上理可臻治教所關良
非淺渺此百餘年來之太守所欲
爲而不果爲者余甫至而觀其成
何若斯之幸也稿經樹君太守閱

惠州府志

序

三

定郵寄於余間有亥豕畧爲釐正
受事甫半載旋奉調篆高涼簡書
敦迫復歸其橐於南屏太守俾覆
勘授梓自愧樸拙少文又值移官
匆遽未及與諸君子詳加商榷少
有匡助倚裝書此志幸亦志愧耳

肯

光緒四年歲次戊寅孟春月

賜進士出身翰林院編修京畿道監
察御史惠州府知府仁和樓震撰

惠州府志

序

四

重脩惠州府志序

惠州古未有志者之自前明天順年始迄
嘉靖中三次編集而猶未能完善識者淺
之哉

朝

康熙二十六年續加修輯至今二百年來
無有能踵其事者前守楊公觀翁梅公
小巖均議脩而未果同治庚午大城劉公
樹石以講學來守是邦毅然引為己任

惠州府志

序

甫開局以量移於郡去嗣茲公南屏樓
以次園繼之凡閱八年而告成時余適由
高州調攝茲土取新舊志并讀之其中
紀載之詳筆體之謹嚴新志視舊志
加密洵可謂毫髮無遺憾矣抑余竊有
說焉惠當粵東之衝舊志稱昔人謂
為漢之名郡越之沃野余獨以為不然
惠向統轄十一屬雍正九年增置陸豐十

一年叶潮之程鄉為本府州割興甯長樂

隸焉自是惠心轄十屬計其疆域衡六百
九十三里縱六百七十里與圖之廣甲於通省
帶山襟海形勢雄壯師為名郡似非無
說顧綜核財賦歲入不滿十萬心於於之
訪之衆論僉稱歸善博羅土地平廣沿
江一帶尚屬膏腴海豐陸豐瀕海猶有
魚鹽之利此外龍川河源永安長甯連平

惠州府志

二

和平六屬羣山環峙層巒疊嶂突兀嶄
巖居民因山為田硯瘠特甚而且沙深水冷
不宜禾稻苦旱苦潦十年不得一金稔為
人稱為沃野果何所見而云然哉宜乎漢
唐以來視為邊徼荒遠獲戾遷謫之所
民之牧服猶且聽之誰復問其疾苦為之
謀生聚而計焉金乎洪惟我
國家定鼎以來聲教所訖無遠弗屆惠郡

難僻在海深漸被

聖德

沐浴涵濡風會蒸：幾於媲美鄒魯
矣顧自粵逆倡亂惠之土區如翟火始擊乘
機揭竿而起鴟張麇聚蹂躪殆遍雖旋
就撲滅而搜捕遺孽數年始能肅清全
境十餘稔山林藪澤伏莽潛滋已自蠢動
之患

大吏不以余為不肖檄調來此典 軍門

惠州府志

序

方以昭軒合力勦捕夫狼藉不古亦不
生今日之舉誠為萬不得已之君表而余
之惴焉恐無以善其後者亦不在殲除
之不能盡盡在不能使前孽之不更生也
且夫古今來之言吏治者大畧不外養與教
而已不能養之又烏從而教之矧徒恃乎束
縛之且求因而腹割之可乎昔管子有言
曰倉廩實而知禮節衣食足而知榮辱

斯民之願庶恥而畏犯法者以有身家之

患故也今舉數千百將手無稽困窮

生業之人執而誣之曰尔為善尔毋為

惡是猶驅之北轍而望于南轅也安可

得哉余不敢德薄能淺自願無所長

余目志局諸君子之請為紀于原委并

以已見論列而序之惟無後之官於土者

披覽是編得以曉然於山川地利之險

惠州府志

四

夷風俗人心之利病善為籌謀撫綏安
集俾樂生惡死之民咸有去逆效順之
志庶使

聖天子慈惠元之至意用能流播於無窮

也豈不懿歟至於是書纂輯刪訂之

業男前歷任太守典志局諸紳之力為

多余幸會遇其適中親履成而已爰

不揣謏陋而為之序

光緒五年歲次己卯夏四月

誥授中議大夫花翎鹽運使銜調署廣東惠州

府事高州府知府江都張聯桂撰並書



惠州府志

序

五

新脩惠州府志序

余幼讀蘇文忠公書每景仰其為人故凡曾游歷之地與曾晉接之人輒心焉慕之低徊不能去同治九年秋奉命守惠州人咸以嶺海艱阻為

惠州府志

序

一

余慮余獨欣之然喜之蓋以惠為文公舊游見公集中此如羅浮白水江郊豐湖疎濠如翟秀才鄧道士諸賢胥日訪其遺蹟溯其餘風真有清游概雖之氣之留于數百年後

者豈非余生之厚幸也耶顧
或者曰漁之俗刀且悍且窮治
最難將日坐堂皇排解聽斷
之布暇奚暇為友古人親凡
事乎余聞之愕然而思下車
後知或言不課則思有以治之

惠州府志

序

二

迺作勸民詩十章俾傳誦示
與更如數月後窮剝猶是也
而刀且悍者漸戢矣余乃竊
然喜之謂清泚彬雅之氣果有
留於數百年之後也特惠化
導無由耳爰徵志而讀之

則自康熙二十六年重修後迄
於今無嗣起者夫前哲之典刑
後人所觀感也其間節誼文
章立為吾民之則效者竟聽其
日就湮沒焉其咎安在迺集
考人士設局而亟其事草創

惠州府志

序

三

未就余適移潮州此心耿耿不
忘也幸後余志承余志越二年
書成考人士寄書請序於余
余樂觀厥成淫此清泚彬雅
之氣無顛墜之患俾世之景
仰于文忠公者知前賢所游歷

之地其派風遠澤之孔長也是
則余欣然喜世在是已時
光緒五年歲在己卯秋七月布
政使銜前知惠州府事廣東候
補道大城劉洪年序并書



惠州府志

序

四

惠州府志卷之首

天順元年舊序

同知蘇潤八桂

古者郡邑皆有志所以紀一郡一邑之事也惠陽志宋末兵燹不存寥寥數十年元大德間同知姜文龍始掇拾而續成之失於疎畧况其時惠之所屬歸善博羅河源海豐四邑而已龍川長樂興甯尚屬循州焉皇明混一有二帝三王所無之天下有二帝三王所無之人民衣冠文物卓冠前古洪武戊申州陞爲府所隸七邑地大人稠歷代沿革山川貢賦人才風俗在所考驗志其可忽耶永樂間命廷臣督修天下郡志教授古壘賓質取宋元諸作以補之始有條理可觀景泰紀元之六年朝廷慮有遺漏命官重

惠州府志卷之首

一

修之教授零陵鄧璉旁搜博訪事有根據而文采爛然矣書成上之天府而人罕得遍觀嗚呼文獻無徵聖人所歎况圖志政事之先務爲政者可不加之意歟暇日復與郡公及二三文學講求考訂刪繁去複補缺存正類聚成編復得大參吳公所著惠陽雜詠并附焉至異端虛誕無關名教者皆畧而不錄所以從簡約示久遠遂各捐俸募工繡梓以傳庶幾成一郡之美事於以見列聖相承重熙累洽化成俗美比隆唐虞三代之盛豈後世所能及哉雖然

嘉靖戊子序

鄭維新歸善

爲是編之幸實斯文之幸惠人之大幸也因書以告來者惠大記何記惠之大也夫惠封壤數百里自有宇宙之山川自入職方之郡邑洎几因事而建爲民而置或析或併或易或仍或陲或徙或陵或堙雖時異代殊而畫埜紀域崇德遂生繫焉繫皆弗可莫之稽也清淑攸鍾篤生賢俊表民用世蓋有其人與夫守牧之遺愛將佐之死事其良暮可以師後政其峻節可以鎮澆風又若藝圃詞林閎言麗藻敷敷道義被飾方輿舊簡之載記未泯逸者之傳誦足徵懋矣盛矣弗獲而詳述也宋其著者以爲法焉可也故記之類凡四曰迹曰獻曰治曰貢而其體有二曰攷曰畧

惠州府志卷之首

二

又

廣東右參議汪思新安

惠大記六卷首迹考二次獻畧一治畧一貢畧二豐湖鄭敬甫之所編也夫惠之山羅浮爲大水海爲大宮室以公畧爲大祠廟以先聖爲大是所謂迹也獻之大稱宋羅學士近亦有何孝子張戶書其寓公有二蘇有留忠宣治之大趙陀以龍川令起爲王三世貢云者文其陋也則莫若蘇長公矣鄭子記惠之大而不能盡棄其餘蓋亦有不可

者特曰大記云耳是故記迹考而方輿備矣記獻畧而土習勸矣記治畧而官箴嚴矣記貢畧而典則具矣方輿備而帝德廣矣土習勸而風俗移矣官箴嚴而暴汚飭矣典則具而觀示懿矣然以予觀惠人不能皆民也徭獐滑焉民不能皆農也姦宄興焉其猶荒畧乎曰非也今之治亦既詳矣夫山海之利博矣民以是利生亦以是利跲焉煮爰鑄載息載貢不亦生乎征利負固以劫以逋不亦跲乎如其罷訟而敗不悔惰耕而蕩不悟又未可數也是故病其畧也增吏治羅武衛不得其道乃顧多事是故復病其詳也嗟夫其下之罪歟其上之罪歟鄭子邦人也風俗戶口田賦削不記頗於述考微言之如有諱焉其志而晦然而顯者非邪讀者無論上下各致思焉民與於獻吏關於治嗚呼惠其幾賁也已

惠州府志卷之首

嘉靖戊戌序

國子監黃佐香山

此雁峯史侯暨厥屬文學所纂惠志也若昔康太史德涵氏志武功得載筆體乃崔司成子鍾氏志彰德一遵焉二氏畫英關洛才均班馬而取善崇讓若此是故地理以稽實建置以明制田賦以恤隱祠祀以正典官師均列而信教人物選舉上行而下秩雜志類物輔化崇正義而黜異端損浮冗而要簡確自時厥後臨江諸郡乘咸宗焉是編義例宛然二氏故轍爰邇天順吳大參志高所修惠志曠歷年所間雖祝君允明志翼甯陳君用貞志長樂有行於

時而博羅海豐龍川則未有成編矧和平新建罔有登載乃今克會成書俾足徵焉豈非典哉嗟夫扶輿之氣其鑪範乎汪洋閎廓典屈告滢而不可窮者水也其象則智介特岌業堅礎磊砢而不可易者山也其象則仁水居之民非弗仁也然而仁弗勝智辯若泉流文若風渙而其失也詐山居之民非弗智也然而智弗勝仁卓然壁立孑然株守而其失也固以是占俗觀人天下莫有遁情矣惠居五嶺東南羅浮甲於天下重溟環之其民鍾氣於山大都樸野惻惻故訐訟岸獄鮮而椎魯頑昧或不免焉歲部使者至莫不喜其淳而加簡恤吾廣都會雖曉嶠荒渺然清淑之氣是之自出較其形勝雖海岱亦奚異乎在宋時則有

惠州府志卷之首

四

若張宋卿氏以文章掄魁南省若足以華國矣而厥施未究豈蓄極而發猶有待於今乎因其俗之近仁而道之風俗同而賢才出矣庸詎知不終齊魯乎是猶金之在鑛亦鑄者之爲焉耳程伯子曰治天下以正風俗得賢才爲本愚則曰雖一邑亦有然者矣庸書以告吏茲土者

嘉靖壬寅序

知府李玘南豐

夫郡志非古也史官亡而後志作是古之遺史也惠故交廣之墟今並爲嶺東連潮分廣接韶與虔東北則重山削成西南則環以神海是爲形勝炎區莫先焉者其陰陽剛柔異宜文質異尚儒吏耕治異業沕穆強曠異齊古今異情治忽異道故言治者恒體之君子居是邦也謹歲候授

人時祿祥可占矣辟地而正壤奄有九連荒大望扼平碣之海道封畧可正矣建麾作牧自吾得宗也數人焉若李文公若陳堯佐教修政立則風旃襲魯矣含經味道自吾得師也數人焉若濂溪若豫章延平北面關里道非委地矣赴節効忠折而弗撓若文山以下諸賢若節婦姚氏賴氏罔媮合幸生焉斯節義冠冕矣德音風軌蔚為時棟若東坡若成之煥之抑亦人文山斗矣居處宴息必有宮室臺榭重改作養財力斯芋矣盛德豐功必百世祀尊聖賢舉壇廟是為不忒信巫而好鬼斯詔矣學校賢士所關先德而後藝賤勇力而黜異端張羅之迹疊矣表俗移風必有其本平好惡防淫靡去賭博息毆訟將以善人心而反

惠州府志

卷之首

五

經也則鄒魯南矣等賦正事王政所重也齊魯富一膏瘠均眾寡俾上無暴征下無逋稅斯有眾矣天生五材誰能去兵清屯政郵疲卒簡閱以時無耗尺籍焉則強矣關所以禦暴也梁所以利涉也征焉害矣墟墓所以興哀也而蕪穢則遺賢矣猗蛋夷名而華心所以齒人類也苟外之則王道缺矣夫志誠廣矣大矣仰觀乾象俯察坤勢中參人情物理以言乎惠則備矣是故君子不窺牖而知天道不出戶而指山谷不降席而匡天下凡以志傳之焉耳故志不可以已也惠在天順有志傳久或湮嘉靖戊子有大記義畧或缺前守史君立模命文學修之以調去而寢祀也選諸邑庠而逸者得劉生梧善史法聘之載筆編輯教

授陳子文獻教諭易子貞元申校雙之命而與朝夕罔道諛罔毀疵非非而是是疑疑而信信百年曠典修焉大成祀敬命工梓之用章鑑戒云爾後之賢者覽焉修焉厥史於是乎在

嘉靖丙辰序

推官楊載鳴泰和

載鳴既臯譴稍遷為惠推官周覽山川爰考圖記得故志讀之紀述繁猥殺亂失次迺歎曰夫志大矣徵文獻審諛俗詒來牘之典法稽前政之失得咸於是乎在今靡所刊定後將何觀焉於是縉紳大夫文學諸生之徒彌彌言纂輯事矣余不能謝迺本載記質觀間芟蕪補闕蒐隱訂謬成惠州志為紀一曰郡事天人之際古今之變鑒戒昭矣

惠州府志

卷之首

六

故首之為表三曰沿革曰秩官曰選舉表郡之大者也為志六曰地理曰建置曰賦役曰學校曰祀典曰兵防政教備矣事增文肆則兵賦蓋深致意焉為傳四曰名宦曰流寓曰人物曰列女述往勸來余不敢私也存故備言以觀會通為外志雜志詞翰志終焉總之十有七篇迺若因事綴文扶俗翼教道敘次之指發明已志忘其淺陋僭為撰序具在諸篇中矣茲不著

又

知府姚良弼錢塘

余嘉靖甲寅冬來守惠陽覽山川之勝審風俗之宜咨詢民瘼究圖治理作而歎曰惠州古稱嶺東名郡也顧今若此哉暇復搜厥郡志見其始於天順丁丑一修於嘉靖戊

子一修於壬寅自壬寅抵今尙多殘缺又歎曰郡志一郡之史也殘缺自茲後將奚述哉余意欲摭舊志而續編之以備一方文獻迺見於郡內流移之未復也里甲之未均也徭役之未清也倉弊之未除也民兵之未練也驛傳之未輪也民風吏治姦狡滋甚此郡事之大者須先釐正而後志可舉也於是蚤夜孜孜務爲經畫爲之撫逋民寬征稅以復其流移爲之準丁燿列班次以均其里甲懲徭役故習之濫也爲之節費慮倉糧召商之弊也爲之給銀民兵積弱時較閱以稽之驛傳虛耗嚴徵辦以補之至若崇師儒端士習撫民馭吏秉公飭法惴惴然惟過舉是懼雖未能必其政平澤溥然於職所當爲者知自盡焉已越期

惠州府志

卷之首

七

年思竟前志而以親行弗果乙卯冬泰和武東楊君以銓部郎移佐郡憲通判吳君語以予意而決成之遂將修志請於當道報曰可楊君適覽衆說蒐遺事刪繁取要類族辨分其爲卷凡十有六是故輿圖列而形勝具矣郡事紀而世變昭矣沿革表而規制備矣秩官表而庶職該矣選舉表而人文著矣志地理而方位可辨也志建置而表儀可樹也志賦役而民故可察也志學校而士習可勸也志祀典而禮度日嚴也志兵防而武備以修也著循良之績故名宦有傳重賢哲之萃故流寓有傳鄉賢足範於後人於是傳人物焉女德有裨於風教於是傳列女焉又爲外志以大一統雜志以資識問而詞翰則古今述作凡涉惠

者悉檢錄之總題之曰惠州府新志由是千里之內上下數千載之間其事可按志而得矣雖然所貴乎志者豈徒飾文詞炫觀美已哉記言載事顯微闡幽綜古今以垂後憲耳予觀楊君所志其詞文其事詳而搜採幽微纖悉畢具迺若隨事論斷激切時弊其示訓深遠庶幾一方之史文獻攸賴者也君素宏才博學明習吏事昔佐潮郡憲於郡事蓋躬歷而熟慮之矣惠潮連壤志惠所以志潮也豈惟潮哉記事貴實不貴文制治在上不在下稽志政之得失而轉移化導誠今日長民者之急也君之言曰誠能强察廉約之吏就故法而酌核之民將自安又曰無貨議無純政而後可以責民之無良斯言也止爲志郡言哉雖達

惠州府志

卷之首

八

之天下可也志成將梓以傳予謹掇君之志序諸首簡用紀歲月因以詔後云爾

萬曆乙未序

伴郢楊起元歸善

先太史公與修郡丙辰志蓋歎曰天之道四時行地之道百物生人之道樂樂而利利是是而非非王道無所不統時有升降道有污隆前事之不忘後事之師也則史其大矣志者郡邑之史也道無不備然唐虞之道寡怨於民舉皐陶而不仁者遠晉有乘楚有檇杌魯有春秋春秋筆削嚴孔子不得已之書也史家祖之夫志有善書無惡載子於志也蓋穆然有唐虞之思焉治世修身之術其取諸志而可以寡怨矣乎太史公屢舉不遂有長子曰起元十歲